



# **PRIMEIRU MINISTRU**

## **DISKURSU HUSI**

### **S. EXA. O PRIMEIRU-MINISTRU**

#### **TAUR MATAN RUAK**

#### **IHA ENSERAMENTU APREZENTASAUN PROGRAMA VIII GOVERNUN KONSTITUSIONÁL**

Parlamentu Nasionál, loron 27 fulan-jullu tinan 2018

Sua Exelénsia,

Señór Prezidente Parlamentu Nasionál

Sua Exelénsia,

Vise-Prezidente Parlamentu Nasionál sira

Sua Exelénsia,

Señóra no Señór Deputadu sira

Karu Kolega,

Señóra no Señór membru Governu sira

Señóra no Señór, Distintu Konvidadu sira

Ho laran ksolok tebes no devér ne'ebé kumpri ona mak ohin ita taka apresentasaun kona-ba Programa Governu Konstitusionál VIII nian, iha Parlamentu Nasionál, *Uma Fukun* Demokrasia Timór ninian.

Ha'u hakarak agradese ba S. Exa. Prezidente Parlamentu Nasionál no Señóra no Señór Deputadu sira, ba ita-boot sira-nia tempu atu halo apresiasaun ba programa ne'e no viabiliza ninia ezekusaun iha tempu oinmai, buat ne'ebé unifika manifestasun ida husi ita-boot sira-nia konfiansa iha kapasidade no determinasaun Governu ne'e nian.

Ha'u hakarak atu husik hela ha'u-nia liafuan apresu espesiál nian ida ba Deputada no Deputadu sira, ne'ebé intervein ona, oinsá hato'o imi-nia hanoin no sujestaun sira atu hadi'a dokumentu ne'e ho forma ne'ebé leál no onesta.

Maski Programa ne'e, tuir lei, la bele muda, bainhira haruka ona ba Parlamentu Nasionál, hanesan mós bainhira atu ezekuta, sei la tau sés mós preokupasaun no sujestaun sira ne'ebé Vosa Exelénsia sira apresenta ona durante debate ne'e, hodi garante, ho forma ida-ne'e, asaun Governativa ida ne'ebé besik liután no politikamente inkluziva liután ba orientasaun sira husi Parlamentu Nasionál no ninia dignísimu Deputadu sira.

Ha'u mós hakarak fó ha'u-nia liafuan ida liuliu ba opozisaun nia rekoñesimentu iha dezempeñu husi knaar ida ne'ebé la fásil maibé importante tebes ba Governu atu la bele akomoda, hodi haka'as an halo servbisu ida ne'ebé di'ak liután ba Povu Timoroan ninia di'ak.

Debate kona-ba Programa Governu nian ne'e, hatudu ona katak maske ita iha hanoin no ideolojia política ne'ebé maka la hanesan, Bankada Parlamentár hotu-hotu hala'o knaar ho laran tomak atu halo Timor-Leste sai nasaun ida ne'ebé justu, inkluzivu, moris-di'ak no dezvoltadu liután.

Ha'u hakarak asegura ba ita-boot sira katak ba Governu ida-ne'e, hanoin sira ne'ebé iha sei hetan konsiderasaun hotu, tanba ne'e maka durante ezekusaun Programa ne'e nian, ne'ebé agora Parlamentu Nasionál aprova ona, ita sei buka nafatin, bainhira iha razaun no possibilidade, solusaun sira ba kompromisu ne'ebé envolve hotu-hotu, tantu iha nivel polítiku no nivel organizasaun sira sociedade sivil nian, tanba ita hakarak garante katak konstrusaun País nian ne'ebé ita hakarak no dejeza, sempre hala'o ho partisipasaun sidadaun hotu-hotu nian, hodi promove mobilizasaun comunidade sira nian iha ekipa, ho espíritu pertensa nian ida ne'ebé loloos.

Programa Governu nian ida ba Timoroan hotu-hotu ba *Timor-Leste ida ne'ebé Forte, Riku no Seguru!*

Programa ida ba Nasaun ida ne'ebé moderna, dezvoltadu no prósperu!

Maromak fó bensaun mai ita hotu

Obrigadu ba ita boot sira-nia atensaun